

兩浙金石志

兩浙金石志卷五

揚州阮元編錄

宋天台般若新寺輓塔記

按越都圖經□古碑云 梁朝岳陽王者是昭明太子第三子卽梁蕭譽是第二生梁王是也於赤城山頂造輓塔三所中有如來舍利四十九顆其塔至唐會昌五年乙丑歲七月勅廢至咸通六年乙酉歲僧宗立并居士倪求徐師約與衆信士同修一所至八年丁亥歲七月辦畢星霜綿遠其塔輓石隳墮爰至顯德七年庚申載般若寺沙門德韶重建造纔啓舊輓石感雷電風雨驚衆現如來身光項佩毫光中又現阿育王寶塔塔中亦放五色祥光遂

獲舍利四十九粒迎歸紫凝山香花 饒并衆僧各燃

頂臂種種供養遂累甃石僧俗雲芄逾一祀圓就再安□

舍利二十八顆前後可三十餘瑞現光與前無異畱舍利

二十一顆散安東都府內并應天寺甃塔中吳武丘寺甃

塔國清寺甃塔東塲中興寺甃塔各一顆當寺二塔盡是

□□捨□□□金親造各安舍利三顆上賛皇王帝業□

□□□□樂康云耳 辛酉歲大□建隆二年十一月十

日

右碑文正書十六行在天台縣按許詢蕭訾事見唐

人詩詠者有邱丹詩車騎歸蕭訾雲林識許生綦母

潛詩雁塔酬前願王身更得來之句宋沈仁衷撰感

應塔記許詢捨第宅兩區建迦藍二所其一則營于
鏡水號曰祇洹其一則立彼蕭山目之崇化是並在
蕭山嘉泰會稽志亦然此記引舊圖經應在北宋已
前不知何籍抑造塔者多援此事以誇靈異耶德韶
處州龍泉人陳氏子年十五出家叅白眼禪師白眼
曰汝向後當爲國師致祖道光天遊天台觀智者遺
蹤有若舊居復與同姓時謂智者後身錢忠懿王延
請問道伸弟子之禮求智者教于新羅國開寶四年
華頂峯摧星殞于上集衆跏趺而逝

宋梵天寺經幢二

大佛頂陀羅尼經

左幢

經文正書俱不錄

大隨求卽得大自在陀羅尼神尼經

右幢

建幢記

竊以奉空王之大教尊阿育之靈蹤崇雁塔於九層衛鴻圖於萬祀梵刹旣當於圓就寶幢是鎮於方隅遂命選以工人鑿於巨石琢鞭來之堅固狀涌出之規儀玉削霜標花雕八面勒佛頂隨求之加句爲塵籠沙界之良因所願家國恆康封疆永肅祖世俱乘於多福宗親常沐於慈恩職掌官寮中外寧吉仍將福祉遍及幽明凡在有情希沾妙喜 乾德三年乙丑歲六月庚子朔十五日甲寅日立天下大元帥吳越國王錢俶建

上俱行書

右在梵天寺門東西各一按西湖遊覽志寺爲乾德

中吳越王建治平中改今額東坡朱子皆有詩詠幢
卽立于建寺時吳越尙未納土故與奉先二幢皆書
天下大元帥而去尊號已久故仍書中原乾德也

宋雲林寺經塔二

大佛頂陁羅尼

經文不錄

左幢

隨求卽得大自在陀羅尼呪

右幢

新建佛國寶幢願文

二幢同

蓋聞慧炬西然法雲東被眷言興建寶煥簡編我國家裂
壤受封帶河礪岳旣勤

右幢作觀

王而繼世諒荷寵以乘時言

念真宗聿懷多福於是旁搜勝景廣闢宏規築湖畔之山
堦構城西之佛閣莫不遐森杞梓妙選榱桷營萃漢之基

兩湖金石記卷三
三
垌列倚天之像設釋迦化主中尊而高儼睟容慈氏彌陀

分坐而淨標妙相仍於寶地對樹法幢雕琢琅玕磨礱琬

右幢落此二字琰勒隨求之梵語刊佛頂之秘文直指丹青雙分

八面伏願興隆霸祚延遠洪源受靈右幢誤雲祝於右幢落此二字祖

先助福禧於攸同悠久軍民輯睦疆場肅寧宗族以之咸康

官寮以之共治四十八願永苻法處之良因八十種好右幢

落此四字更倍曇摩之圓智得大堅固不可稱量凡在舍生同

躋覺路 天下大元帥吳越國王建西湖志衍錢俶二字時大宋

開寶二年己巳歲閏五月日二幢並同正書靈隱寺住持傳法

慧明禪師延珊于景祐二年十一月內移奉先廢寺基上

石幢東西二所歸寺前添換重建止四年四月十日畢工

謹題誌耳

在右幢上正書

右在雲林寺門東西各一雲林寺始晉咸和元年慧
理葛洪榜曰絕勝覺場唐會昌時廢西湖志謂吳越
錢氏命僧延壽開拓建經幢于寺門左右按幢後題
字乃景祐二年延珊于廢奉先寺移歸奉先寺不知
在何處據文有云築湖畔之山堙構城西之佛閣必
在臨湖諸嶺而非今地明矣西湖志謂延壽建于寺
門左右未讀此記也

宋郝濬等靈隱題名

太平興國三年戊寅十二月二日內供奉郝濬與知府正
郎範轉運使副劉杜巡檢大保翟口戶部判官杜通理孟

同至此

右在靈隱青林洞摩崖正書八行字徑一寸餘知府
正郎范者按咸淳臨安志太平興國三年五月丙戌
以考功郎中范旻權知兩浙諸州事初旻自淮南歸
朝上將用爲翰林學士盧多遜言杭州初復非旻不
可泊上乃謂旻曰卿且爲朕行卽當召卿矣旻字貴
參大名宗城人見宋史本傳

宋王昭等靈隱題名

太平興國三年十二月四日與節推王昭遠錢塘尉閻吉

殿前承旨程□□記

右在靈隱飛來峯摩崖正書四行字徑一寸餘縣尉

閻吉舊志俱未載

宋劉觀察判官靈隱題名

太平興國四年正月三日觀察判官劉與諸官員遊此

右正書三行字徑一寸摩崖

宋維恩天竺靈隱二寺遊記

□神宋咸平貳禩月屆夾鍾蕤生五菜有內殿崇班瑯邪
守後自彤庭奉命于浙協體量民物察俗之暇□□□時
禁閣門祇候杭郡都監西河維恩觀覽天竺靈隱二寺凡
奧勝驚□□□遊仍脩流觴曲水之□□日躋攀與事而
□因刊石□識歲華 講僧自因書

右在飛來峯摩崖正書十二行

宋查仲道等靈隱題名

江右查仲道錢唐周世科

右在青林洞摩崖正書二行字徑四寸此題無年月
按崇寧元年查應辰等續題名有後百有四年之語
此刻當在咸平二年故列于此舊志列四人有西蜀
曹山閩人孔庭訓細詳石刻非一時書而曹孔明人
俱載杭郡志中今特正之杭府志又載查仲道字文
夫寧州人嘉靖二年任杭州知府抑姓氏偶同歟

宋遇明禪院碑

大宋台州永安縣遇明禪院碑銘并序

開元寺重脩二蓮社沙門願鴻撰門弟子講經律

表白僧慧月書并篆額

聖上御極之六載

大禮奉于南郊

皇靈闡於區

外光昭

乃祖化被萬方其仁如天其智如神醴泉

朱草金牛玉馬其皆不取但小大之政不失其職斯所以

爲天下瑞故

勛華之風可以平揖繇是

垂衣端拱功

成不伐唯善其脩以及四海是歲

詔下有司乃曰

朕聞道釋之教歷代致奉元資大

此可福黔黎遂

勅下以戒錄廣度則知

聖心無爲而無所不爲矣

下民被其化皆能有志是用獻贊

我后之鴻祚也或鷺池仙苑金刹柰宮其在必萑永安遇

明院者卽

梁朝西仁寺也居州之西北七十里天

監二年奉

勅之所建也地分牛宿境占神臯前枕

寒谿後連翠竇桃源天姥頂湖括蒼烟霞一開遠近如畫
項斯之宅可尋也麻姑之峯可登也甘露絕名又何讓也
泊 元帥王之有國因改西仁爲遇明厥後納版圖于
朝斯院則闕乎能者而董正之太平興國六祀邑人

八保戶人繫狀於縣以命沙門文遂而主

之師端靜淳素抗節有聞奉道之餘植福多勇咸平癸卯
歲鼎新紺宇事從典制義取規舊非務華好飾之越度也
雲廊月殿像閣經齋方丈法堂三門庫院罔不備焉信士
濟南 承皓贊以成之遂師復置東臯南畝以實常住延

浮杯之侶待挂錫之賓曉月開經香分玉篆秋林出定苔
封石牀瑞鹿眠口幽禽背雪陶彭澤若聞應到賈長沙如
在合來澗雲起而野色侵燈山雨至而松風入檻誰言諸
子不解髻珠斯所以克荷真宗越揚大教俾法流慈澤永
潤枯根冀簷蔔優曇長敷後葉銘曰

大宋撫運承宗紹祖昭格仁孝光業文武其一富壽蒼生

基本皇極乃廣法教爰奉道釋其二民祝于天載曹鹿園

遇明昔者西仁寺焉其三紺宇凌雲禪宮聳日立雪傳衣

昇堂入室其四平接寒谿高連邃谷晴霞忽開翠屏滿目

其五功之匪騫利其斯久資國與民天地不朽其六

時景德二年歲次乙巳七月十有五汝南周同勾

兩浙金石志卷五
當建立 清河張祚鑄字

右碑篆額八字文正書二十三行行三十六字在仙
居縣今爲三學寺願鴻文頗新穎所謂前枕寒谿後
連翠竇曉月開經秋林出定澗雲起而野色侵燈山
雨至而松風入檻竭盡瞿曇幽寂之致洪筠軒云赤
城志巾子山巔有息庵元祐中僧願鴻所棲今廢

宋張文昌等靈隱題名

皇宋景德三年正月二十二日前錢唐知縣光祿寺丞張
文昌前越州蕭山尉郝知白吳山□□□羽人馮德之餘
杭山人盛升同遊謝太守翻經遺跡刊石立記

右在翻經臺摩崖正書六行字徑一寸張文昌郝知

白舊志皆不載此題重刻梅違黃安仁同遊七大字

于上

宋張文昌等題名

景德三年仲春月口日光祿口丞前知錢唐縣張文昌仁
和縣尉口從諫越州蕭山尉郝知白吳山寓居羽人馮德
之餘杭山人盛升同遊于此故題記耳

右摩崖正書三行行字不等字徑一寸餘

宋修宣陽宮大殿碑

重修宣陽宮大殿記

上缺

方內者也

夫嗟鳳鳥不至歎龍吾不知鼠壤餘疎

非成象

至道適傳尹闢用

下缺

宣陽宮者有唐越